

影印
文淵閣

四庫全書

影印

文淵閣四庫全書

第三九六冊

北京出版集團公司
北京出版社

本冊目次

欽定續通志(五)

清
嵇璜
曹仁虎等奉敕撰……………一

欽定四庫全書

吏部

欽定續通志卷二百五十一至

中書臣李采覆勘

總校官原任侍講臣王燕緒

欽定四庫全書

欽定續通志卷二百五十一

列傳

唐

五十一

段秀實

劉海賓 顏真卿

段秀實字成公本姑臧人曾祖師濬仕隴州刺史留為
汧陽人秀實六歲母疾病不勺飲至七日病間乃肯食
時號孝童及長沈厚能斷慨然有濟世意舉明經其友

欽定四庫全書

欽定續通志

卷二百五十一

易之乃棄去天寶四載從安西節度使馬靈謨討護密
有功授西安府別將靈謨罷又事高仙芝為判官遷隴
州大推府果毅後從封常清討大勃律次賀薩勞城與
虜戰勝之常清逐北秀實曰賊出羸師餌我也請大索
悉得其伏虜師燔改綏德府折衝都尉肅宗在靈武詔
李嗣業以安西兵五千赴行在節度使梁宰欲逗留觀
變嗣業陰然之秀實切責嗣業嗣業因固請宰遂東師
以秀實為副嗣業為節度使而秀實方居父喪表起為

義王友充節度判官安慶緒奔鄴嗣業與諸將圍之以
輜重委河內署秀實兼懷州長史知州事兼留後時師
老財更秀實督餽係道募士市馬以助軍諸軍戰愁思
岡嗣業中流矢卒衆推荔非元禮代秀實聞之即遺白
孝德書使發卒護喪送河內親與將吏迎諸境傾私財
葬之元禮高其義奏擢試光祿少卿俄而元禮為麾下
所殺將佐多死惟秀實以恩信為士卒所服皆羅拜不
敢害更推白孝德為節度使秀實凡佐三府益知名時

欽定四庫全書

魏史通志
卷二百五十一

吐蕃襲京師代宗幸陝勸孝德即日鼓行入援孝德徙
邠寧署夫度營田副使於是邠寧乏食乃請屯奉天仰
給畿內時公廩竭縣吏不知所出皆逃去軍輒散剽孝
德不能制秀實曰使我為軍候豈至是邪司馬王繆言
之遂知奉天行營事號令嚴壹軍中畏戢兵還孝德薦
為涇州刺史封張掖郡王時郭子儀為副元帥居蒲子
晞以檢校尚書領行營節度使屯邠州士放縱不法邠
惡少納賄竄名伍中因肆志吏不得問秀實自州至府

請為都虞候以已亂孝德即檄署付軍俄而晞士十七
人入市取酒刺酒翁壞釀器秀實列卒取之斷首置槃
上植市門外一營大譟盡甲孝德恐召秀實曰奈何秀
實曰請辭於軍乃解佩刀選老嫠一人持馬至晞門下
甲者出秀實笑且入曰殺一老卒何甲也吾戴頭來矣
甲者愕昭因曉之曰尚書固負若屬邪副元帥固負若
屬邪奈何欲以亂敗郭氏晞出秀實曰副元帥功塞天
地當務始終今尚書恣卒為暴使亂天子邊欲誰歸罪

欽定四庫全書

魏史通志
卷二百五十一

罪且及副元帥今邠惡子弟以貨竄名軍籍中殺害人
藉藉如是幾日不大亂亂由尚書出人皆曰尚書以副元
帥故不戢士然則郭氏功名其與存者有幾晞再拜曰
公幸教晞願奉軍以從即叱左右皆解甲令曰敢謹者
死秀實曰吾未哺食請設其已食曰吾疾作願宿門下
遂臥軍中晞大駭戒候卒擊柝衛之且與俱至孝德所
謝不能邠由是安初秀實為營田官涇大將焦令謏取
人田自占給與農約熟歸其半是歲大旱農告無入令

諶曰我知入不知旱也責之急農無以償往訴秀實秀實署牒免之因使人遜諭令諶令諶怒召農責曰我畏段秀實邪以牒置背上大杖擊二十輿致廷中秀實泣曰乃我困汝即自裂裳裹瘡注藥賣已馬以代償淮西將尹少榮頗剛戢入罵令諶曰汝誠人乎涇州野如赭人饑死而爾必得殺擊無罪者段公仁信大人惟一馬賣而市穀入汝汝取之不恥凡為人傲天災犯大人擊無罪者尚不愧奴隸邪令諶聞大愧流汗曰吾終不可

以見段公一夕自恨死馬璘代孝德每所咨逮璘處決不當固爭之不從不止始璘城涇州秀實為留後以勞加御史中丞大歷三年遂徙涇州是軍自四鎮北庭赴難征伐數有功既驟徙相與出怨言別將王童之謀作亂約曰聞警鼓而縱秀實知之召鼓人陽怒失節戒曰每籌畫當報因延數刻盡四鼓而曙明日復有告者曰夜焚橐積約救火則亂秀實嚴警備夜中果火發令軍中曰敢救者斬童之居外請入不許明日捕之并其黨

八人斬以徇曰後徙者族軍遂遷涇州于時食匱郭無居人朝廷患之詔璘領鄭穎二州以佐軍命秀實為留後軍不乏資二州以治璘奏為行軍司馬兼都知兵馬使璘有疾請秀實攝節度副使秀實按甲備變璘卒都虞候史廷幹裨將崔珍張景華欲謀亂秀實送廷幹京師徙珍景華于外一軍遂安即拜四鎮北庭行軍涇原鄭穎節度使數年吐蕃不敢犯塞又按格令官使二料取其一十三年來朝代宗問所以安邊者畫地以對件

別條陳帝悅慰賚良渥賜第一區實封百戶還鎮德宗立加檢校禮部尚書建中初宰相楊炎追元載議欲城原州詔中使問狀秀實言方春不可興土功請須農隙炎謂沮已遂召為司農卿朱泚反以秀實久失兵柄意其必快快遣騎召之不納騎士踰垣入劫之秀實自度不免乃謂子弟曰吾當以死徇社稷耳乃往見之按新書召為司農卿句下敘泚泚喜曰公來吾事成矣秀實曰將久明今從通鑑改輯士東征宴賜不豐有司過耳人主何與知公本以忠義

開天下今變起倉卒當諭衆以禍福掃清宮室迎乘輿
公之職也泚然秀實知不可乃陰結左騎衛將軍劉

海賓涇原都虞候何明禮孔目官岐靈岳同謀殺泚三

人者皆秀實素所厚

按舊書及通鑑俱云秀實陰結劉海賓何明禮岐靈岳等三人新書

則敘劉海賓姚令言何明禮為三人考靈岳于秀實追

兵事覺甘心承罪而死應與秀實有同志而今言繼從

此黨新書敘次前後自相矛盾今從通鑑改輯

會源休教泚偽迎天子遣將韓

是領銳師三千疾馳奉天秀實以為宗社之危不容喘

欽定四庫全書

卷二百五十一

乃遣人諭靈岳竊取姚令言印不獲乃倒用司農印追

其兵至駱駝得符還秀實謂海賓曰是之來吾等無

遺類我當直搏殺賊乃約事急為繼而令明禮應於外

翌日吳兵至泚令言大驚靈岳獨承其罪而死不以及

秀實泚召秀實計事源休姚令言李忠臣李子平皆在

坐秀實戎服與休並語至僭位勃然起執休腕奪其象

笏奮而前唾泚面大罵曰狂賊萬段我豈從汝反邪遂

擊之泚舉臂捍笏中顙流血蟬面匍匐走賊衆未敢動

而海賓等無至者秀實大呼曰我不同反胡不殺我遂

遇害年六十五海賓明禮皆繼為賊害帝在奉天恨用

秀實不極才垂涕悔悵初秀實自涇州被召戒其家曰

若過岐朱泚必致贈遺慎毋納至岐泚固致大綾三百

家人拒不遂至都秀實怒曰吾終不以汙吾第以置司

農治堂之梁間吏後以告泚泚取視其封帕完新秀實

嘗以禁兵寡弱不足備非常言於帝帝不用及涇卒亂

召神策六軍無一人至者興元元年詔贈太尉諡曰忠

烈賜封戶五百莊第各一區長子三品諸子五品並正

欽定四庫全書

欽定四庫全書

卷二百五十一

員官帝還都又詔致祭旌其門親銘其碑太和子伯

倫始立朝累官福建觀察使終太僕卿孫嶷文楚珂知

名嶷自鄭滑節度使入為右金吾衛大將軍封西平郡

公甘露之變嶷當誅裴度奏忠臣後宜免死貶循州司

馬文楚咸通末為雲州防禦使為李克用所殺珂僖宗

時居潁州黃巢圍潁刺史欲以城降珂募少年拒戰衆

裹糧請從賊遂潰拜州司馬

劉海賓者彭城人以義俠聞為涇原兵馬將與秀實友

善累戰功兼御史中丞劉文喜據涇州叛海賓與其子光國紹以奏請及入對因言姦慝可誅狀既還光國手斬文喜獻闕下拜左驍衛大將軍封五原郡王海賓樂平郡王贈太子太保實封百戶

顏真卿字清臣祕書監師古五世從孫少孤母殷氏躬訓導既長博學工辭章事親孝開元中舉進士又擢制科調醴泉尉再遷監察御史使河隴時五原有冤獄久不決天且旱真卿辨獄而雨郡人呼御史雨遷殿中侍

欽定四庫全書

欽定四庫全書
卷二百五十一

御史宰相揚國忠惡之諷中丞蔣列奏為東都採訪判官再轉武部員外郎國忠終欲去之乃出為平原太守安祿山謀逆真卿度必反託霖雨增陴濬隍料才壯儲倉廩日與賓客泛舟飲酒以紓祿山之疑祿山反河朔盡陷獨平原城守具備使司兵參軍李平馳奏玄宗始聞亂歎曰河北二十四郡無一忠臣邪及平至帝大喜謂左右曰朕不識真卿何如人所為乃若此時平原有靜塞兵三千乃蒞募士得萬人饒陽太守盧全誠濟南

太守李隨清河長史王懷忠景城司馬李暉鄆郡太守王肅各以衆歸詔北海太守賀蘭進明率精銳五千濟河為助賊破東都遣段子光傳李愔盧奕蔣清首徇河北真卿畏衆懼紹諸將曰吾素識愔等其首皆非是乃斬子光藏三首它日結芻續體斂而祭為位哭之是時從父兄杲卿為常山太守斬賊將李欽湊等清土門十七郡同日自歸推真卿為盟主兵二十萬絕燕趙詔即拜戶部侍郎佐李光弼討賊真卿以李暉自副而用李

欽定四庫全書

欽定四庫全書
卷二百五十一

銑賈載沈震為判官俄加河北招討採訪使清河太守使郡人李崱來乞師真卿為出兵六千知崱材因謂曰吾兵已出子將何以教我崱曰朝家使程千里統衆十萬自太行而東將出嚙口限賊不得前公若先伐魏郡斬賊守袁知秦以勁兵披嚙口出官師使討鄴幽陵平原清河合十萬衆徇洛陽分犀銳制其衝公堅壁勿與戰不數十日賊必潰相圖死真卿然之乃檄清河等郡遣大將李擇父副將范冬馥和琳徐浩與清河博平士

五千屯堂邑袁知泰遣將白嗣深乙舒蒙等兵二萬拒戰賊敗斬首萬級知泰走汲郡史思明圍饒陽遣游奕兵絕平原救軍真卿懼不敢以書招賀蘭進明以河北招討使讓之進明敗於信都會平盧將劉正臣以漁陽歸真卿欲堅其意遣賈載越海遺軍資十餘萬以子頗為質頗甫十歲軍中固留不從肅宗已即位靈武真卿數遣使以蠟丸裹書陳事拜工部尚書兼御史大夫復為河北招討使時軍費困竭李粵勸真卿收景城鹽使

諸郡相輸用度遂不乏祿山乘虛遣思明尹子奇急攻河北諸郡復陷獨平原博平清河固守然人心危不復振真卿謀於衆曰賊銳甚不可抗若委命辱國非計也不如徑赴行在至德元載十月棄郡度河間關至鳳翔謁帝詔授憲部尚書遷御史大夫方朝廷草昧不暇給而真卿繩治如平日百官肅然兩京復帝遣左司郎中李選告宗廟祝署嗣皇帝真卿謂禮儀使崔器曰上皇在蜀可乎器遽奏改之帝以為達識又言春秋新宮災

魯成公三日哭今太廟為賊毀請築壇於野皇帝東向哭然後遣使不從宰相厭其言出為馮翊太守轉蒲州刺史封丹陽縣子為御史唐旻誣劾貶饒州刺史乾元二年拜浙西節度使劉展將反真卿豫飭戰備都統李岷以為生事因召為刑部侍郎展卒舉兵度淮而岷奔江西李輔國遷上皇西宮真卿率百官問起居輔國惡之貶蓬州長史代宗立起利州刺史不拜再遷吏部侍郎除荆南節度使未行改尚書右丞帝自陝還真卿請

先謁陵廟宰相元載以為迂真卿怒曰朝廷事豈堪公再破壞邪載銜之俄以檢校刑部尚書為朔方行營宣慰使未行留知省事更封魯郡公時載多引私黨畏羣臣論奏乃紿帝曰羣臣奏事多挾讒毀請每論事皆先白長官長官以白宰相宰相詳可否以聞真卿上疏曰諸司長官者達官也皆得專達於天子即官御史陛下腹心耳目之臣也今陛下欲自屏耳目使不聰明則天下何望焉今令宰相宣進止御史臺作條目不得直進

從此人不奏事天下之士鉗口結舌陛下漸成孤立後
悔無及矣後攝事太廟言祭器不飭載以為誹謗貶峽
州別駕改吉州司馬遷撫湖二州刺史載誅楊綰薦之
擢刑部尚書進吏部楊炎當國以直不容換太子少師
然猶領使及盧杞益不喜改太子太師并使罷之數遣
人間方鎮所便將出之真卿往見杞辭曰先中丞傳首
平原面流血吾不敢以衣拭親舌舐之公忍不見容乎
杞矍然下拜而銜恨切骨李希烈陷汝州杞乃建遣真
卿諭之可不勞師而定詔可公卿皆失色至河南河南
尹鄭叔則以希烈反狀明勸不行答曰君命可避乎既
見希烈宣詔旨希烈養子千餘拔刀爭進諸將皆嫚罵
真卿色不變希烈以身扞麾其衆退乃就館逼使上疏
雪己真卿不從人遣李元平說之真卿叱曰爾受國委
任不能致命顧吾無兵戮汝尚說我邪希烈大會其黨
召真卿使倡優斥侮朝廷真卿怒曰公人臣奈何如是
拂衣去希烈大慙時朱滔王武俊田悅李納使者皆在

坐謂希烈曰聞太師名德久矣公欲建大號而太師至求
宰相孰先太師者真卿叱曰若等聞顏常山否吾兄也
吾守吾節死而後已豈受若等脅邪希烈乃拘真卿守
以甲士掘方丈坎於廷傳將阮之真卿見希烈曰死生
分矣何多為張伯儀敗希烈令齎旌節首級示真卿真
卿慟哭投地會其黨周曾康秀林等謀襲希烈奉真卿
為帥事洩曾死乃拘送真卿蔡州真卿度必死乃作遺
表墓誌祭文指寢室西壁下曰此吾殯所也希烈僭稱
帝使問儀式對曰老夫曾掌國禮所記諸侯朝覲耳與
元後王師復振賊慮變遣將辛景臻安華至其所積薪
于廷曰不能屈節當焚死真卿起赴火景臻等遽止之
希烈弟希倩坐朱泚誅希烈因發怒使閹奴等害真卿
曰有詔真卿再拜奴曰宜賜卿死曰老臣無狀罪當死
然使人何日長安來奴曰從大梁來罵曰乃逆賊耳何
詔云遂縊殺之年七十六按舊書年七十七嗣曹王臯聞之泣
下因表其大節淮蔡平子願碩護喪還帝廢朝五日贈

司徒謚文忠天下不以姓名稱而獨曰魯公善正草書
筆力道婉世寶傳之貞元六年赦書授顯五品正員官
開成初又以曾孫弘式為同州參軍

欽定四庫全書

欽定續通志卷二百五十二

列傳

唐 五十二

李晟

應憲 恩 聽 王 化

馬燧

暢 炫

渾瑊

錫 鐵

李晟字良器洮州臨潭人世為裨將晟幼孤事母孝身
長六尺才勇絕倫年十八從河西王忠嗣擊吐蕃有醜

欽定四庫全書

欽定續通志
卷二百五十二

酋乘城晟一矢斃之忠嗣撫其背曰萬人敵也鳳翔高
昇召補列將連破叛羌遷左羽林大將軍擊党項有功
授特進大厯初李抱玉署為右軍都將吐蕃寇靈州抱
玉授兵五千使擊之晟曰以衆則不足以謀則多遂將
千人出大震關屠定秦堡吐蕃解去進開府兼右金吾
大將軍涇原四鎮北庭兵馬使馬璘與吐蕃戰鹽倉敗
績晟拔璘歸封合川郡王璘忌晟歸之朝為右神策都
將德宗立吐蕃寇劍南詔晟將神策兵往救踰漏天拔

飛越等三城

通鑑先離茂二州今從新舊唐書

追擊大渡河虜引遁建

中二年魏博田悅反攻臨洛晟為神策先鋒合河東馬

燧昭義李抱真兵攻斬楊朝光晟乘水渡洛破悅又戰

洹水悅大敗遂進攻魏朱滔王武俊應悅圍趙州康日

知抱真分兵二千戍邢燧怒欲引歸晟曰邢趙比壤今

賊攻趙李公分衆守不為過公遽去奈王事何燧悟遣

抱真壘與交歡晟請合張孝忠兵圍范陽以救趙帝益

以神策三將晟自魏引而北武俊果解圍晟與孝忠北畧

欽定四庫全書

欽定通志
卷二百五十二

恒州圍滔將鄭景濟於清苑決水以灌滔武俊悉兵赴

救晟內攻景濟外抗滔等相持五月不解遣疾甚引還

定州賊不敢逼

通鑑晟軍大敗今據新舊唐書

疾間將復進會帝出奉

天詔赴難孝忠以軍介二盜間倚晟為重數止晟無西

晟謂天子播越人臣當百舍一息義武欲止吾請留子

約皆又解玉帶遺其親將使諭意始得行詔迎拜神策

行營節度使進臨渭北壁東渭橋劉德信自扈澗敗歸

亦次渭南軍器無制德信入謁晟晟責所以敗斬之并

德信兵勢益振李懷光軍咸陽不欲晟當一面請與合

詔移屯陳濤斜每戰晟必錦衣繡帽指導陣前懷光心

惡之戒其持重晟曰昔在涇原士頗相畏服欲令識之

奪其心耳懷光益怫晟使人說之進兵不納懷光復奏

神策兵給賜比方鎮獨厚衆以為言欲晟自削其軍則

士怨易撓帝遣陸贄詔懷光與晟參議懷光曰稟賜不

均何以令戰晟曰公為元帥專軍政晟一軍增損費調

惟所命懷光不欲腹刻事出己乃止懷光屯咸陽凡八

欽定四庫全書

欽定通志
卷二百五十二

旬陰通朱泚晟懼為所并上言當先變制備請假裨將

趙光銑唐良臣張彧為洋利劍三州刺史通蜀漢襟喉

未報吐蕃請以兵佐誅泚帝議親督戰懷光疑奪其軍

圖反益急晟與李建徽陽惠元聯壘事迫適有使至晟

乃令曰奉詔徙屯渭橋即結陣行未幾懷光并建徽惠

元兵惠元死之是日帝進狩梁州駱谷道隘從官乏食

帝嘆曰早用晟言三蜀可坐致也進晟尚書左僕射同

中書門下平章事是時晟以孤軍居強寇間恐二賊合

以軋之則卑詞厚幣偽致誠於懷光而陰為備使張或假京兆少尹調畿內賦不淹旬芻糈告具乃陳兵下令誓以收復士皆雪涕感奮於是駱元光守潼關尚可孤保七盤皆受晟節度戴休顏韓游瓌率奉天邠寧師從晟懷光始懼欲襲晟三令其衆不應懷光令衆據通鑑增乃奔河中偏將孟涉段威勇自拔歸晟詔加晟檢校右僕射兼河中尹河中晉絳慈隰節度使又兼京畿渭北鄜坊丹延節度招討使帝欲益西幸晟請駐梁漢以繫天下望又進京畿渭北鄜坊商華兵馬副元帥神策軍及晟家皆陷賊中左右或言及晟泣曰天子何在而敢恤家乎泚使晟吏王無忌壻款壁門曰公等家無恙晟怒斬之時輸緣不屬盛夏士有衣裘者晟能同勞苦終無攜怨會諸將謀所向衆言先拔外城後清宮晟曰坊市里閭盜賊若設伏闕居人驚潰非計也賊精甲聚苑中直擊心腹將走不暇則宮闕保而肆屢安皆曰善遂移壁光泰門薄城賊將張庭芝李希倩通鑑作希清求戰晟勸吳說

等縱擊華州師少賊急攻晟以精騎馳救中軍譟而從乘勝入光泰門賊再却尸蔽地餘衆竄白華終夜聞哭聲明將復戰或請待西師晟曰賊膽已破當乘機撲滅不可少待容其為計使王佖李演將騎史萬頃將步抵苑北神農村先夜墮苑牆二百步為道比至賊已柵木拒戰晟叱諸將曰安得縱賊當先斬公萬頃懼拔柵先入必繼進賊奔潰獲段誠諫大軍分道爭前姚合言庭芝希倩猶殊死關晟令唐良臣以步騎奔突賊十餘遇輒北滅入白華賊伏騎千餘起晟率麾下百騎馳擊左右呼曰相公來賊驚潰各就禽誠泚以殘卒萬人西遁命田子奇追之餘黨悉降晟屯含元外廷舍右金吾次令軍中五日内輒通家問者斬遣京兆尹李齊運督長安萬年令分慰百姓大將高明曜取賊妓一司馬仙取賊馬二立斬以徇士民感悅誅賊黨八人於市表守節不屈者程鎮之劉迺將沈趙毗薛岌等擇文武攝臺省以俟乘輿條為賊脅汙者請以不死露布上行在帝覽

之泣下羣臣上壽且言晟蕩滌光愍市不易廛雖三代用師蔑以加帝曰天生李晟以為社稷非為朕也拜司徒兼中書令帝至自梁晟戎服謁見三橋再拜頓首先賀珍殲大盜廟朝安復已即跪陳不能指日滅賊致鑒輿再狩伏道左請死帝為掩涕起之就位賜永崇里第涇陽延平門田園女樂一列詔將相送入第帝自製紀功碑敕皇太子書立於東渭橋初晟屯渭橋煥惑守歲久乃退賓佐賀具言進兵昌晟曰天子野次臣下惟知

欽定四庫全書

欽定四庫全書
卷二百五十二

六

死敵安知天道至是乃曰前士大夫勸晟出兵非敢拒也五緯羸縮無常萬一復守歲則我軍不戰自潰矣咸曰非所及也涇州數戕軍帥晟請治不襲命者因勸耕積粟羈制西蕃乃拜鳳翔隴右涇原節度使行營副元帥徙王西平郡晟請李楚琳俱行欲治殺張鎰罪帝務要反側不許晟至鳳翔誅亂將王斌等十餘人宦者尹元貞擅入河中諭慰懷光晟劾其矯使罪備言赦懷光有五不可河中抵京師纔三百里同州制其衝兵多則

示疑少則無以控禦一也赦懷光必以晉絳慈隰還之渾瑊康日知又勞遷徙二也兵力未窮忽宥反逆今回紇拒北吐蕃梗西希烈僭淮蔡棄強示弱以招窺覷三也懷光既赦朔方將士應敘勲行賞府庫方虛不酬所望愈激之叛四也諸道解還賞典不舉怨言必起五也今河中米斗五百芻藁行罄其大將殺戮幾盡圍守旬時勢必內潰臣請約十日糧以破賊帝方委瑒城故不許涇州田希鑒先亦殺其帥未討晟託巡邊詣涇執希

欽定四庫全書

欽定四庫全書
卷二百五十二

七

鑒并其黨悉伏誅具事以聞在鎮傾家貲懷輯降附得大酋浪息曩奏封王號蕃使至息曩必在坐衣錦袍金帶虜酋指目歆艷吐蕃大懼其相尚結贊多詐謀曰唐名將特李晟馬燧渾瑊耳當以計去之即與兵抵鳳翔禁虜掠陽怒曰召吾來何不出牛酒犒徐引退以是間晟晟先使王泌選兵三千伏汧陽令擊其中軍幾獲結贊又遣野詩良輔攻拔摧沙堡結贊屢求和未許更遣使卑詞因燧乞盟燧上請晟適入朝力言戎狄不可信宰

臣韓滉意與合滉卒張延賞當國故與晟有隙雖詔講解而陰不與數陳和親便密言晟不可久持兵帝感其

言貞元三年冊拜晟太尉中書令罷其兵及城將與吐

蕃盟延賞曰李太尉謂和好必不成今盟日定矣晟聞

泣曰吾生長西陲備諳虜情所以論奏恥朝廷為犬戎

侮耳延賞及晟語從通鑑補輯盟於平涼城果被劫僅得免罷燧河

東一如結贊計云通王府長史丁瓊為延賞擠抑見晟

曰以公功乃奪兵柄恐位高難全盍早圖晟執以聞四

欽定四庫全書

欽定續通志
卷二百五十二

年詔為晟立五廟高祖以下皆追贈他日與燧見延

英帝嘉其勲詔圖象於凌烟舊臣之次命皇太子書詔

文賜晟晟刻石於門九年卒年六十七帝震悼流涕手

詔誓以存保世嗣申告樞前贈太師諡曰忠武元和

詔其家編屬籍配饗德宗廟庭晟性疾惡泣下明每治

軍必曰某有勞某能某事雖廝養小善必錄薦於故

舊嵐州刺史譚元澄嘗有德於晟遭貶死晟貴理其枉

厚撫其二子嘗慕魏徵直諫致太宗堯舜上司馬李叔度

曰此指紳儒者事非勲德所宜晟曰君失詞幸備位將相

容身不言豈所謂有犯無隱邪叔度慙晟進對謬

盡大臣節出未嘗露於人理家以嚴子姪非晨昏不得

見言不及公事正歲崔氏女歸寧讓曰姑在堂婦當治酒

食且以待賓立遣還家達禮敦教類如此既卒城鹽州

復故池以新鹽賜宰執帝思晟致鹽於靈座春遇始

終無與比有十五子知名者愿憲懇聽

愿少謙謹晟立勲時諸子尚無官宰相以聞德宗即授

欽定四庫全書

欽定續通志
卷二百五十二

愿太子賓客上柱國舊制柱國門列戟遂父子並賜元

和初為夏綏銀宥節度政令簡嚴部人有失馬者愿懸

金署牒以購三日榜下得馬二繫書云逸至不時告謹

以良馬一贖罪愿歸失馬而縱其良四境肅然移鎮武

寧討青鄆數有功因疾以弟想代俄節度鳳翔頗崇聲

色怠於政長慶中徙宣武先是張弘靖給軍優厚愿賞

賚不及前而操下甚威用妻弟竇綬通鑑作竇瓊領親兵復

驕驚貪黷牙將李臣則夜突斬綬愿聞變不及巾與左

右數人繼城奪野人乘馳以免城中推李齊為留後月餘誅之貶愿隋州刺史尋拜河中晉絳等節度荒侈如舊厚賂權近賦入隨盡蒲人怨且亂會卒贈司徒

憲與愬最稱仁孝憲好儒動循禮則襄陽于頔辟為從事時吳少誠跋扈獨畏頔人以為得憲之助遷衛州刺史有治行再徙絳州河中兵素仰食於絳歲租與糴常數十萬石故教倚山民輸一車十牛猶不勝憲相地建倉汾濱費當二百萬請留垣縣粟糴河南以錢還糴絳

欽定四庫全書

欽定四庫全書
卷二百五十二

粟既免負載且權其贏完新倉絳人甚賴之入為宗正少卿太和公主降回鶻為送使副還獻回鶻道里記後由江西觀察轉嶺南節度憲雖勲伐起家所歷政績顯著善治律令而性明恕嘗活大獄無罪者數百人卒於官

愬字元直有籌略嫺騎射蔭補協律郎遷衛尉少卿晟卒與憲廬墓次德宗詔歸第一宿復徙跣往遂許終制服闋為坊晉二州刺史治異等憲宗討吳元濟唐鄧節

度高霞寓敗績代以袁滋亦無功愬求自試宰相李逢

吉謂愬可用授檢校左散騎常侍隋唐鄧節度使至軍不為斥候部伍或以不肅言愬曰賊方安袁公之寬吾不欲使震而備我下令曰天子知愬能忍恥第委拊循戰非吾事因斥罷倡樂士傷病者親為營護賊降者聽其便或有親在勞之曰而亦王人無棄親戚給粟帛遣還衆願為死山川險易賊情偽悉以告居半歲知士心振厲請濟師詔益河中鄜坊騎二千於是攻下馬鞍山

欽定四庫全書

欽定四庫全書
卷二百五十二

拔道口柵戰揔柵山取鑪冶城入白狗汶港柵襲楚城朗山平青陵城禽驍將丁士良

通鑑作王士良

異其才不殺署

捉生將士良謝曰吳秀琳以數千兵不可破者陳光洽為之謀也我能為公取之乃禽以獻秀琳即舉文城柵降遂以其衆攻吳房日直往亡吏白法宜避愬曰彼不

吾虞正可擊也入外郭引還賊率精騎尾擊愬衆殊死

戰射殺其將孫忠憲

通鑑作孫獻忠

或勸乘勝攻子城不聽秀

琳進策曰欲破賊非得李祐不可愬遣吏用誠候祐護

獲伏騎以羸卒誘祐果輕出禽之諸將素苦祐請即戮
愬不應待以客禮間與李忠義並召屏人語至夜分忠
義本名憲亦降將軍中多諫二人不可近遇之益厚會
緣雨數月不絕咸謂不殺祐之罰且稱謀言祐為內應
愬持以泣曰天豈不欲平賊乎何見奪者衆邪械祐送
之朝密言殺祐則無以成功詔釋還愬令佩刀出入帳
下署六院兵馬使衆不敢復言始定謀襲蔡舊令舍謀
者族愬刊其令謀反效以情時李光顏戰屢勝元濟悉

銳卒抗回曲愬知隙可乘遣告裴度師期元和十二年

新書十一年誤

十月十日師夜起以祐及忠義帥突將三千為

前鋒自將三千為中軍田進誠

通鑑作李進誠

以後軍殿出文

城柵令曰東趨六十里至張柴磯其戍敕士少休復旆而

出吏請所向愬曰入蔡州取吳元濟諸將失色監軍泣

曰果落祐姦計會大雨雪天晦凜風偃旗馬慄縮士

抱戈僵仆者道相望陂澤阻奧未嘗歷皆謂投不測然

業從愬人人無敢為身謀愬道分兵斷回曲朗山路自

張柴行七十里夜半達懸瓠城雪甚擊城旁驚鷺池以
亂軍聲祐坎墻先登衆繼進殺門卒發關留擊柝者鷄鳴
雪止愬入元濟外宅蔡吏驚曰城陷矣元濟尚不信曰
回曲子弟歸索褚衣耳及聞號令曰常侍傳語驚曰
何常侍得至此率左右登牙城進誠環攻愬計元濟望
救於董重質訪慰其家使召以書重質單騎歸詣愬降
進誠火南門元濟窮威請罪梯下檻送京師申光諸屯
相繼降愬不戮一人屯兵鞠場以俟度度至愬具橐鞬

迎度欲避愬言蔡人久廢上下分請示之禮遂受愬謁

觀者咸聳明日還軍文城加檢校尚書左僕射山南東

道節度封涼國公賜一子五品官方禽元濟諸將請曰

始公敗朗山不憂勝吳房不取冒大風雪不止孤軍深

入不怯而卒以成功何也愬曰朗山不利可弛其備若

取吳房賊將并力守蔡存之以分其兵雪夜烽斷莫知

吾至深入人有致死心戰自倍衆皆服

語從通鑑補輯

帝欲經

畧隴右徙愬鳳翔未發李師道反詔愬代愿帥武寧旬